

LUTRIJA BOSNE I HERCEGOVINE d.o.o.
UPRAVNI ODBOR

Na osnovu člana 13. Zakona o igrama na sreću („Službene novine FBiH“ br.1/02 i 40/10), i člana 13. Statuta Lutrije Bosne i Hercegovine (“Službene novine Federacije Bosne i Hercegovine” broj: 43/03, 49/14) Upravni odbor Lutrije Bosne i Hercegovine, na sjednici održanoj dana 19.03.2015. godine, donio je

P R A V I L A

expres lutrije "SRETAN DAN"

1. OPŠTE ODREDBE

Član 1.

Ovim se Pravilima propisuju uslovi za priređivanje expres lutrije „SRETAN DAN“ (u daljem tekstu:srećka).

Član 2.

Ova Pravila su isključivi zakonski i pravni osnov za zaključivanje ugovora o učešću u igri expres lutrije „SRETAN DAN“.

Ugovor iz stava 1. ovog člana zaključuje se između Lutrije Bosne i Hercegovine, d.o.o. (u daljem tekstu: Priređivač) i učesnika na osnovu prihvatanja općih uslova propisanih i sadržanih u ovim Pravilima, po slobodno izraženoj volji učesnika, činom kupovine expres lutrije.

Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Expres lutrija "SRETAN DAN" je igra na sreću s unaprijed utvrđenom visinom fonda dobitaka, u kojoj učesnik otvaranjem srećke saznaje rezultat igre koji je otisnut u prostoru za označavanje dobitka.

Član 4.

Rok prodaje expres lutrije „SRETAN DAN“ otisnut je na srećki.

Rok prodaje expres lutrije može se produžiti odlukom generalnog direktora Priređivača.

Odluku o puštanju u prodaju svake od serija donosi generalni direktor Priređivača i ista će se objaviti u jednom od dnevnih novina.

3. USLOVI ZA SUDJELOVANJE U IGRI

Član 5.

Učesnikom u igri smatra se lice koje je sa Priređivačem zaključilo ugovor iz člana 2. ovih Pravila, uz dokaz da posjeduje expres lutriju (u svemu u skladu s članom 10. ovih Pravila.)

Expres lutrija glasi na donosioca.

4. PODRUČJE PRIREĐIVANJA IGRE

Član 6.

Expres lutrija se priređuje na području Federacije Bosne i Hercegovine i Brčko Distrikta.

5. POJEDINAČNA CIJENA SREĆKE

Član 7.

Cijena jedne expres lutrije je 1 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Expres lutrija se emituje u serijama. Jedna serija sadrži 1.000.000 (jedan milion) komada expres lutrija.

Novčana vrijednost emisije expres lutrije iznosi 1.000.000 KM.

Odluku o broju serija donosi generalni direktor Priređivača.

7. VISINA FONDA I VRSTE DOBITAKA

Član 9.

Fond dobitaka srećke iznosi 70% emisijne vrijednosti ili 700.000 KM, a isti se dijeli na 308.000 dobitaka.

Fond dobitaka se raspoređuje po slijedećem planu:

Komada	Dobitci	Iznos
2.000 x	100,00	200.000,00
2.000 x	20,00	40.000,00
4.000 x	10,00	40.000,00
10.000 x	5,00	50.000,00
80.000 x	2,00	160.000,00
210.000 x	1,00	210.000,00
308.000		700.000,00

8. OPIS SREĆKE

Član 10.

Expres lutrija je pravougaonog oblika i rađena je u više boja.

a/ prednja strana expres lutrije sadrži:

Logo Lutrije Bosne i Hercegovine, cijenu expres lutrije, slogan : igraj za sretne dane, naziv expres lutrije "SRETAN DAN" i naziv jednog od dana u sedmici (ponedjeljak, utorak, srijeda, četvrtak, petak, subota, nedjelja).

Na prednjoj strani expres lutrije je smješten perforirani pravougaonik – prozorčić na kojem piše OTVORI. Ispod njega se nalazi prostor za označavanje dobitka sa otisnutim iznosom dobitka (brojem i slovima) ili tekst „BEZ DOBITKA“, poljem koje sadrži isplatnu šifru expres lutrije u brojčanoj i bar kod formi, oznaku serija.

b/ poleđina expres lutrije sadrži:

web adresu: www.lutrijabih.ba, slogane: srećka na dohvat ruke i pola sreće drugima, emisionu vrijednost, fond dobitaka, plan dobitaka, rok prodaje i adresu priređivača i polje koje sadrži uplatnu šifru (šifru srećke , seriju i serijski broj expres lutrije u brojčanoj i bar kod formi), Logo WLA – Certified Security Control Standard; Logo ISO 27001 – TUV NORD.

9. UTVRĐIVANJE DOBITAKA

Član 11.

Igrač utvrđuje dobitak otvaranjem perforiranog prozorčića ispod kojeg je na prostoru za označavanje dobitka otisnut iznos dobitka brojem i slovima, ili tekst „BEZ DOBITKA“.

Rezultat, odnosno dobitak, odštampan je u skladu sa članom 9. ovih Pravila.

Igrač u igri nije dužan uzeti expres lutriju na kojoj su vidljivi znaci oštećenja.

Srećka je nevažeća ako je pocijepana, ili ako su djelimično, ili u cjelini oštećeni brojevi ili slovne oznake.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik je dužan predati Priređivaču dobitnu srećku.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta i blagajna Lutrije BiH.

Član 13.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srečke od strane Priređivača.

Član 14.

Priređivač ne snosi odgovornost za srečke koje su na bilo koji način nestale ili oštećene u toku prodaje, u kojem slučaju se smatra da je prodavac ili zastupnik kupio sve srečke za koje tvrdi da su nestale, ukradene, izgubljene ili oštećene.

11. NAČIN UPOZNAVANJA UČESNIKA U IGRI S OVIM PRAVILIMA

Član 15.

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje s ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 16.

Za rješavanje eventualnih sporova, proisteklih iz učešća u igri, nadležan je Općinski sud u Sarajevu.

Član 17.

Ova Pravila stupaju na snagu danom donošenja, a primjenjivat će se puštanjem u prodaju 4. serije srečke i ista će se objaviti u jednom od sredstava javnog informisanja.

Član 18.

Stupanjem na snagu ovih pravila prestaju da važe Pravila expres lutrije "SRETAN DAN" broj: 01-34-858-9/11 od 03.06.2011., broj.01-37-1790-2-1/11 od 27.10.2011., Pravila treće serije expres lutrije "SRETAN DAN" broj:01-6-1426-8-4-MS/12 od 04.09.2012. godine.

Broj:01-43-477-2/15
Dana:19.03.2015.

PREDSJEDNICA
Ivana Bunoza, s.r.